

Автомобиль жолдарын мемлекеттік есепке алу қағидаларын бекіту туралы

Қазақстан Республикасы Инвестициялар және даму министрінің м.а. 2015 жылғы 26 наурыздағы № 316 бұйрығы. Қазақстан Республикасының Әділет министрлігінде 2015 жылы 29 сәуірде № 10888 тіркелді.

"Автомобиль жолдары туралы" Қазақстан Республикасының Заңы 3-бабының 8-тармағына сәйкес БҰЙЫРАМЫН:

Ескерту. Кіріспе жаңа редакцияда - ҚР Көлік министрінің 05.12.2025 № 421 (алғашқы ресми жарияланғаннан кейін күнтізбелік он күн өткен соң қолданысқа енгізіледі) бұйрығымен.

1. Қоса беріліп отырған Автомобиль жолдарын мемлекеттік есепке алу қағидалары бекітілсін.

2. Қазақстан Республикасы Инвестициялар және даму министрлігінің Автомобиль жолдары комитеті (М.Қ. Пішембаев):

1) осы бұйрықты заңнамада белгіленген тәртіпте Қазақстан Республикасы Әділет министрлігінде мемлекеттік тіркеуді;

2) осы бұйрық Қазақстан Республикасы Әділет министрлігінде мемлекеттік тіркелгеннен кейін күнтізбелік он күн ішінде оның көшірмелерін мерзімді баспа басылымдарында және "Әділет" ақпараттық-құқықтық жүйесінде ресми жариялауға жіберуді;

3) осы бұйрықты Қазақстан Республикасы Инвестициялар және даму министрлігінің интернет-ресурсында және мемлекеттік органдардың интранет-порталында орналастыруды;

4) осы бұйрық Қазақстан Республикасы Әділет министрлігінде мемлекеттік тіркелгеннен кейін он жұмыс күні ішінде осы бұйрықтың 2-тармағының 1), 2) және 3) тармақшаларымен көзделген іс-шаралардың орындалуы туралы мәліметтерді Қазақстан Республикасы Инвестициялар және даму министрлігінің Заң департаментіне ұсынуды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Инвестициялар және даму вице-министріне жүктелсін.

4. Осы бұйрық оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Қазақстан Республикасының
Инвестициялар және даму
министрінің міндетін атқарушы

Ж. Қасымбек

Автомобиль жолдарын мемлекеттік есепке алу қағидалары

1. Жалпы ережелер

1. Осы Автомобиль жолдарын мемлекеттік есепке алу қағидалары (бұдан әрі - Қағидалар) "Автомобиль жолдары туралы" 2001 жылғы 17 шілдедегі Қазақстан Республикасының Заңына сәйкес әзірленген және жалпы пайдаланымдағы автомобиль жолдарын, шаруашылық автомобиль жолдарын, елді мекендердің көшелерін мемлекеттік есепке алу тәртібін белгілейді (бұдан әрі - автомобиль жолдары).

2. Осы Қағидаларда мынадай негізгі ұғымдар қолданылады:

1) автомобиль жолдарын мемлекеттік есепке алу – автомобиль жолдары жөніндегі уәкілетті мемлекеттік органның (бұдан әрі – жол органы) автомобиль жолының көліктік-пайдалану жай-күйі туралы ақпаратты қамтитын жол дерекқорын (деректер банкі) қалыптастыру;

2) автомобиль жолдарының паспорты - жолдарды техникалық есепке алуды жүргізу нәтижесінде алынған автомобиль жолдарының техникалық және пайдалану сипаттамасы туралы деректерін қамтыған техникалық құжат;

3) жолдарды техникалық есепке алу - автомобиль жолдарының паспортын жасау үшін автомобиль жолдарына техникалық және пайдалану сипаттамасы туралы деректер жинағы;

4) автомобиль жолдарын паспорттау – автомобиль жолдары мен жасанды жол құрылыстарының техникалық паспортын жасау және жол дерекқорын қалыптастыру арқылы оларды есепке алу.

Ескерту. 2-тармаққа өзгеріс енгізілді - ҚР Көлік министрінің 05.12.2025 № 421 (алғашқы ресми жарияланғаннан кейін күнтізбелік он күн өткен соң қолданысқа енгізіледі) бұйрығымен.

2. Мемлекеттік есепке алуды жүргізу тәртібі

4. Автомобиль жолдарын мемлекеттік есепке алуды жүргізу мақсатында жол органы жолдарды техникалық есепке алуды жүргізеді, деректер банкінің құрылуы негізінде автомобиль жолдарының паспорты қалыптасады.

5. Жолдарды техникалық есепке алу мынадай жұмыс кезеңдерін көздейді:

- 1) дайындық;
- 2) далалық;
- 3) камералдық.

5. Дайындық жұмыстары кезінде жол органдары бағдарлама жасайды, онда жұмыстардың көлемі, еңбек және көлік шығындары, жұмыстардың орындалу мерзімі анықталады.

6. Дала жұмыстары кезінде жолға (объектіге) қатысты жолдың сипаттамасы және параметрі туралы деректер жинау орындалады.

7. Камералдық жұмыстар кезінде дала жұмыстарын өңдеу және техникалық құжаттарға жол органы белгілейтін сипаттамасы мен параметрі туралы деректер енгізуді жүргізеді.

8. Мемлекеттік есепке алу республикалық және жергілікті бюджетте көзделген қаражат шеңберінде жүргізіледі.

9. Техникалық есепке алуды және паспорттауды жүргізуге жол органы жасайтын мемлекеттік сатып алу туралы заңнамада белгіленген шарттар бойынша ғылыми-зерттеу, жобалау-іздігіру және басқа да мамандандырылған ұйымдар тартылады.

10. Жаңадан салынған, қайта жаңғыртылған және пайдалануға берілген автомобиль жолдарын немесе олардың учаскелерін техникалық есепке алу дала жұмыстарын орындаусыз қолдағы жобалық немесе орындаушылық құжаттама негізінде жүргізуге жіберіледі.

11. Жаңадан салынған, реконструкцияланған және пайдалануға берілген автомобиль жолдарының техникалық есебі объектіні пайдалануға қабылдау актісі бекітілгеннен кейін бір жылдан кешіктірмей жүргізеді.

Ескерту. 11-тармақ жаңа редакцияда - ҚР Көлік министрінің 05.12.2025 № 421 (алғашқы ресми жарияланғаннан кейін күнтізбелік он күн өткен соң қолданысқа енгізіледі) бұйрығымен.

12. Бағдарламалық қамтамасыз етуімен, аспаптармен және жабдықтармен жабдықталған жылжымалы зертхананың көмегімен техникалық есепке алу нәтижесінде алынған автомобиль жолының техникалық және пайдалану сипаттамалары туралы деректер негізінде автомобиль жолдарының паспорттары қалыптастырылады.

Ескерту. 12-тармақ жаңа редакцияда - ҚР Көлік министрінің 05.12.2025 № 421 (алғашқы ресми жарияланғаннан кейін күнтізбелік он күн өткен соң қолданысқа енгізіледі) бұйрығымен.

13. Автомобиль жолдарының паспортына, және деректер банкіне, жыл сайын 1 қаңтардағы жай-күйі бойынша өзгерістер енгізіледі.